

МАНА ХАНЛТ

Аав Ленинә нильчәр
Амгъулнъта джиргъл ирв.
Хуучн харнъгъуг хамхлад
Хурц герл делгрв.

Манцын кецә хотдар
Мӧнъкин эргдж кедсн,
Хол теегин үрдүдт
Хойрдгч ээджнь болсн—

Цӧкрл уга зүткдж
Цӧӧлгъдж эрдм сургъсн,
Энъкр багш Никитина—д
Эркн зүркни ханлт!

Насни багъасн эклдж
Нарни герл үзүлсн,
Ӧсӧд боссн сургъульчнрас,
Ӧндин мана ханлт!

Эрдм-сургуль заагъад
Ээджлӧӧ адл кӧгшрв.
Күргсн тана ачтн
Кезӧдчн манд мартгдшго!

БҮҮРЧИН ПЕТР.
Целинн район.